


G2 Frankfurt



Ando bêš 1929 vazdja o foro Frankfurt jek logoro pala le lokalni Sinti taj Řom. Le lokalni raj zumade zorase te mêken le Sinti taj Řom peskê khêra anda maškar le forosko taj te munčin pe von ande nevo logoro. But familije, kaj trajinas kata socialno ažutimos le forosko musaj sas te mêken peskê purane bêšîmaskê thana taj sas te trajin von ando lagero tala bilaše higenijakê kondicije. Ando bêš 1935 phandadja pe o logoro. De kata o bêš 1937 trade le Řomen taj Sinton ando Frankfurto ande jek logoro kaj sas ande Dieselstraße. Kote angêrenas vi le Řomen taj Sinton kata antrego Hessen. Kutka kêrdja e "Rassenhygienische Forschungsstelle" kata o Robert Ritter pala o bêš 1938 perskê testur pe le logoroskê manuša. Bute manušen lendar angêrenas akatar ande l' mundarimaskê logorja.

💡 Žanglen tumen

...kê e inicijativa, te kêrel pe o logoro sas skoro kata sja la demokracijakê partije diji dumo?

✍ Tumari bući

Informirin tumen, dali trade la publikakê raj ande paluji vrjama ande tumaro regiono Řomen taj Sintonen anda lengê bêšîmangê thana? Ćiden anda l' zurnalur artiklur pa kodja sama! Sar ramon le zurnalur pa kodja? Informirin tumen dali traden la publikakê raj ande tumaro them manušen zorasa anda lengê khêra. !!!

📷 Paj fotografija

Dokumentur pa „Bekämpfung der Zigeunerplage“ („Marimos kontra o nasulimos kata l' Zigeuner“) taj paj formacija kata jek "KZ pe Friedberger Landstrasse". O KZ formirisardja o magistrato le forosko Frankfurt, ando bêš 1929. Institut für Stadtgeschichte, Frankfurt am Main/Deutschland.



<https://www.romasintigenocide.eu/kelderash/g>

1910

1951

1929